

putes which had been publish'd in those *Acta*, sub-joins: *Suffecerit itaque annotasse Abbatem quendam Italum de Conti nobilem Venetum (de quo admiratione digna sibi præscripta esse ab Hermanno fatetur Leibnitius) cum ex Gallia in Angliam trajecisset, mediatoris vices in se suscipere voluisse, atque literas Newtoni ad Leibnitium deferri curasse, Leibnitianas cum Newtono communicasse.* And how Mr. Leibnitz by this Mediation, endeavour'd to engage me, against my Will, in new Disputes, about occult Qualities, universal Gravity, the Sensorium of God, Space, Time, Vacuum, Atoms, the Perfection of the World, Supramundane Intelligence, and Mathematical Problems, is mention'd in the Preface to the second Edition of the *Commercium Epistolicum*. And what he hath been doing in *Italy*, may be understood by the Disputes rais'd there by one of his Friends, who denies many of my Optical Experiments, though they have been all tried in *France* with Success. But I hope that these Things, and the perpetual Motion, will be the last Efforts of this Kind.

---

II. De Camphora. Auctore Dno. Carolo Neuman, Chym. Prof. Reg. Berolin. S. R. S.

CUM jam plures, quorum aliqui ipsas quoque Indias peragrarunt, de Camphora tam copiose scripserint, ut nihil eorum, quæ ad integram historiam Camphoræ dilucidandam pertinere videri poterant, intermiserint, siquidem & originem vocis explicarunt, & synonyma cuncta collegerunt, arbo-rem, unde petitur Camphora, & loca, in quibus arbo- res hujusmodi proveniunt, indagarunt, modum quo  
Cam-

Camphora ibi colligitur, & in Europa depuratur, denique & usus, in quos adhiberi potest Camphora, docuerunt; supervacaneum plane foret, ista omnia hic repetere, chartasque meris citatis complere. Cuius etiam suam de Camphora opinionem & sententiam liberam esse volo, sive eam pro succo nativo, sive pro gummi, pro resina, sale volatili, bitumine, sive pro succini specie, sive pro quocunque quivis eam reputet. Etenim nihil jam aliud in propositis habeo, quam peculiarem quandam observationem recensere & quid de ea sentiam, explicare, denique novas quasdam ex tali meo iudicio deductas doctrinas communicare, sperans fore, ut alii veriore ex inde sententiam de Camphora, quid ea proprie sit, dicant, alii vero occasionem capiant, in rem institutis desuper experimentis convenientibus inquirere, eamque dilucidare.

Traditum equidem est in scriptis de Camphora editis, posse etiam præter ordinariam, quam copiosam satis habere possumus, aliam ex radice Cinnamomi, Zedoaria Ceylonica, Roremarino Camphorato, Abrotano aliisque vegetabilibus aromaticis parari, quod certo respectu negari nequit, & hac ipsa observatione mea confirmatur; nihilo tamen minus confiteri me oportet ante omnia, me nusquam locorum, quæ peregrinando adivi, talem ex aliis & jam dictis vegetabilibus paratam, licet diligenter perquisitam, ne in minima quidem quantitate vidisse Camphoram, quæ in solida & vere sicca consistentia cum orientali conveniret; sed quicquid hujusmodi mihi monstratum est, Amstelodami fuit illud oleum, quod in India ex radice Cinnamomi destillatum dicitur & Camphoram non minus quam Cinnamomum redolet, quamvis dubius adhuc hæreo, genuinum ne illud destillatum fuerit, an oleum Cinnamomi ordinarium copiosa Camphora imprægnatum? Si quidem multa experientia comprobatum

batum habeo, folere vulgo & imprimis in loco jam dicto, varias merces, potissimum ad rem medicam pertinentes, fucō inducto effingi, et per miscelam adultari: sed quoquo modo se res cum isto oleo habeat, posito etiam, nihil fuci subfuisse, & ostendi posse Camphoram, etiam in solida consistentia, ex radice, & ex Zedoaria Ceylonica, aliisque orientalibus vegetabilibus elicitam, nemo tamen, quoad scio, solidum quid Camphoræ æmulum ex vegetabilibus Europæis unquam produxit; licet de Roremario multi multa dixerint, & de aliis quoque plantis nostratibus conjectura præsumferint; imo licet etiam *Dn. Hofmannus* Professor *Hallensis* Celebr. & Eques *Angl. Boyle* memoriæ prodiderint, quod ille simile quid ex floribus Rosarum & Ligno Aloes \* hic vero ex oleo Anisi impetraverit, † penitus tamen ego sum persuasus, quicquid Camphoræ simile ex his tribus productum fuerit, molle quid & unctuosum, vel ad summum butyracæ consistentiæ, minime vero siccum, crystallinum, fragile, & Camphoræ duritiæ æmulum fuisse, id quod etiam ex ipsorum descriptionibus quivis facile potest colligere. Taceo, quod in vulgus notum est, oleum Anisi in frigore butyri instar condensari, minime vero in Camphoram eo ipso abire. Præter hæc, quæ in scriptis commemorata legimus, fuerunt aliqui, & in his certus quidem Pharmacopœus, cæteroquin rerum suarum satagens, qui ore tenus mihi affirmarunt, posse se ex variis plantis indigenis Camphoram parare, cujus modi tamen itidem ne tantillum quidem unquam videre licuit; interim assentior illis & lubens credo, potuisse hos eadem facilitate, qua ego meam, impetrare Camphoram.

---

\* *Vid.* Ejus Dissertat. de Camphora & Observat. Physico-Chym.

† *Vid.* Ejus Tr. de Firmitate & Fluiditate.

Placuit igitur ad Inclytam Reg: Societatem referre, acquisivisse me ex nostrati Thymo vulgari, verum, densum, crystalliformem & in omnibus qualitatibus conspirantem, nec nisi odore differentem Camphoram, quæ cuncta experimenta huc usque cognita, & pro justo examine excogitata possibilia, æque ac Orientalis sustinet, atque ita cum hoc in omnibus, solo odore excepto, convenit.

Destillaveram Anno MDCCXIX. ex dicta herba olei copiam bene multam, institutaque hujus ab aqua separatione cum gossypio, cernebam tam ad orificium vitri, quam in gossypio oleo imbuto parvos figuratos crystallulos hærentes, qui ipsam destillationem alias satis celerem, magis magisque remorabantur, adeo, ut necessarium esset gossypium, contra morem, aliquoties renovare. Mirabar quid rei novæ & extraordinariæ contigerit, variasque cogitationes agitabam, parum tamen vel nihil certi ea de re unde exonerit, & quid esset, poteram colligere; lagenam igitur oleo plenam, bene munitam, reponebam. Interim semel excitatæ & conceptæ de rei novitate cogitationes inquietum me tenebant; quare sciendi cupiditate ductus, post paucos dies, resumo lagenam olei, visurus, an denuo crystallini quid ad orificium vitri hæreat, & quantulumcunque demum id fuerit, per experimenta tamen parvula probaturus, cujus indolis illud sit, sed circa orificium nihil ejusmodi reperiebam, circa fundum vitri vero, quod me tanto magis attentum, ne dicam attonitum habuit, consedissee vidi crystallos in si satis magna quantitate, diversæ magnitudinis, partim avellanas exæquantes, plerasque cubiformes, saccharo cando similes. Nondum suspicabar Camphoram, sed potius sal volatile, quod pro copia herbæ successive simul transcenderit, & in parte aquosa solutum, postquam hæc fundum petiisset, purumque  
oleum

oleum supernataret, tandem ita coaluerit. Effundo igitur oleum, ut sal, quod esse putabam, impetrarem, & judicii mei certior fierem. Sed denuo in admirationem rapiēbar, quod ne guttulam quidem aquæ in fundo invenirem, ubi consultius nihil erat quam magna salinum a fundo liberare, & ab oleo separatam fervare. Quo me igitur ex dubio extricarem, vel potius, ut de sale, quod judicando præsumferam, certior essem, tentabam experimentum quo cuncta salia, cujuscunque indolis & nominis fuerint, probantur. Magnam scilicet quantitatem aquæ destillatæ infundebam super materiam crystallinam, sat diu simul agitabam, hinc per aliquot horas quieti dabam, solutionem crystallini per omnes horæ quadrantes cupide; sed frustra expectans, neque enim solutionem, neque ullam mutationem ejus animadvertēbam, præter quod minimæ particulæ in superficiem elevarentur, majores vero quantumvis bene interagitatæ fundum semper repeterent, & aqua particulis oleosis crystallinæ materiæ adhærentibus, sed agitatione liberatis, imprægnata esset. Transfundo aquam, & nova adfusa, denuo tentabam crystallorum pro indole salinum solutionem, postquam hi ab adhærente oleo, quod forsan solutionem ejus in aqua impediret, liberati essent, sed pertinaciter solutioni renitebantur, quam neque adhuc dum, sæpius licet tentatam admiserunt. Dehinc, præoccupatione de salino concremento plane abjecta, conjecturare cepi, quod plane quid aliud, scilicet mixtum oleosum, vel quasi resinofum volatile ex oleo condensatum esse debeat. Hoc necum perpendens, sub examen revoco varia, alias vere existentia, mihi que nota subiecta, si quod eorum cum novo hoc comparari queat, & mox ob similitudinem cogitabam Camphoram. Sine mora igitur nova quædam, per quæ me magis certum de re fore sperabam,

sperabam, adornavi, & ecce rei certus eram, si quidem omnia quæ modo feci experimenta, non alia quam quæ communis Camphora suppeditat, Phenomena exhibuerunt, unde tandem, utpote veritatis convictum, nullo plane dubio relicto, concludere me oportuit, corpus hoc crySTALLIFORME aliud nihil quam veram esse Camphoram, quæ ab Orientali non nisi in eo differat, quod hæc Thymum, illa vero aliud vegetabile redoleat, quod, quia Camphoram copiosam suppeditat, huc usque nullo alio quam arboris Camphoriferæ nomine indigitatum fuit.

Ex his omnibus sequentia mihi concepi dogmata, quæ ulteriori cujuscvis indagacioni, cum libertate sentiendi, proponam.

I. Nomen hoc Camphora, vel Caphura, non speciale, seu proprium est, quod uni soli ex India venienti Camphoræ semper competat, sed pro generali, seu appellativo potius haberi debet (uti *v. g.* nomen salis, olei, aquæ, spiritus, &c.) ita ut pro distinctione speciei Camphoræ nomen illius vegetabilis addatur, ex quo parata est, sicuti mea Camphora jure meritoque Camphora Thymi dicenda venit.

II. Sub hoc nomine Camphoræ concepta cessat omnis controversia inter autores hactenus agitata de specie, ad quam Camphora pertineat, si quidem neque resinis, neque salibus volatilibus, neque oleis & succis accensenda est, multo minus ad gummi vel bitumina referenda, quod cum his omnibus per omnia non conveniat, sed jam in hac, jam in alia qualitate, jam plus, jam minus præcipui, vel tamen plane diversi quid habeat.

I. Refina dici nequit, quia, quod etiam jam Dom. Prof. *Hofmannus* adnotavit.

(a) *Omnes*

(a) *Omnes resina post combustionem, cineres, vel aliud terrei aliquid relinquunt, Camphora e contra plane nihil, sed tota deflagrat & in auras avolat.*

(b) *Nulla resina in vase clauso penitus & in totum elevatur ab igne, seu sublimantur, quod tamen cum Camphora succedit.*

(c) *Resina, ubi destillantur, phlegma praebent, & oleum, partim etiam spiritum sic dictum, Camphora vero horum nihil.*

(d) *Nulla plane resina est, quae ad instar Camphorae in spiritu nitri solvi queat.*

(e) *Nec ulla datur, quae aequae cito & in tanta copia in spiritu vini colliquescat, neque*

(f) *Talis, quae in aqua calida Camphorae instar avolet.*

2. Multo minus Camphora sal volatile dici potest, quia in aqua non solvitur, nec cum aqua intime, quin videri possit, miscetur, quam tamen solutionem invisibilem cuncta salia admittere debent necessario, uti supra jam commemoratum est.

3. Quamvis autem Camphora oleosum mixtum, vel ex oleo condestnatum corpus sit, ideo tamen simpliciter oleum vocari nequit, aequae ac alia mixta solida oleo praegnantia, siquidem olei nomen liquidis praecipue, vel ad summum tenuiter unguinosi, minime vero solidis & ficcis subjectis tribuitur & convenit; neque ullum oleum in sicca substantia, ceu Camphora, sublimari potest.

4. Succii nomen Camphorae non convenit, quia succi proprie dicti mixtionem,

(a) *Vel gummosam, quae in aqua facile totaliter liquefeit,*

(b) *Vel*

(b) *Vel gummi resinofam, quæ partim in aquoso, partim in oleoso, inflammabili, spirituofo & simili solvitur,*

(c) *Vel resinofam obtinuerunt, qui posteriores resinæ propriæ dicuntur, de quibus jam sub numero 1. dictum est quarum proprietatum nulla Camphoræ convenit. Nam si omnia ea, quæ ex arboribus aliisque vegetabilibus partim sponte proveniunt, vel a natura & sole, partim etiam per artem parantur, quamvis in tota planta ejusque succo & partibus aliis dispersa & commixta fuerint, succos vocare quis vellet, quantam non confusionem ineptam & conceptu impossibilem pareret in describendis rerum essentiis? Sic enim omnis aquæ, succi, gummi, olei, balsami, resinæ similiumque diversitas plane periret, verbaque hæc distinctiva nullius plane usus forent.*

5. Camphoram etiam gummi vel bitumen non esse, ex prioribus jam fatis apparet, quicquid enim gummi vocatur, penitus in aqua colliquefcit, sicuti bitumina maximam partem in ea solvuntur, ambo vero sublimationi refragantur, quam Camphora tamen admittit.

Cum igitur nihil in orbe terrarum cognitum fit, quod cum Camphora comparari possit, æquum etiam est, ut suo quoque nomine singulari & specifico insigniatur, per quod, si res quædam dicatur Camphora, statim intelligatur, eam neque oleum, neque gummi, sal volatile, resinam, spiritum, neque bitumen, sed plane aliam & a dictis his diversam esse materiam, mixtum nempe ex ingredientibus, Camphoram veram constituentibus, concinnatum, indolis specialissimæ. Unde quæstio, an sal, vel gummi, resina, vel succus sit, æque inconveniens & supervacanea judicabitur, ac si quis quærere velit, an sal sit oleum, vel an gummi sit Camphora.

III. Tertium



III. Tertium dogma, quod ex prioribus deduco, hoc est, quod omnis Camphora certum suum specificum odorem, & quidem oleum illius plantæ, ex qua parata est, constanter retineat, quodque odor iste sine destructione totius Camphoræ separari ab ea nequeat.

IV. Quarto consequitur, quod experimentum nostrum de Camphora Thymi orientalem Camphoræ fabricationem satis superque confirmet, nempe quod destillando paretur, & acquiratur, in quo negotio vix alia intercedit diversitas, quam quod ex sic dicta arbore Camphorifera ibidem in magna copia & ita longe plus Camphoræ quam olei haberi queat, cum e contrario vegetabilia *Europæorum* plurimum olei, parum vero Camphoræ largiantur.

V. Quintum dogma est, quod certo credere possumus, alias quoque plantas *Europæas*, copioso oleo essentiali prægnantes, æque ac Thymum, Camphoram daturas esse, quamvis nullam adhuc viderim, neque pro ea elaboranda justam occasionem nactus fuerim, vel otio abundarim.

VI. Tandem si qui fuerint, qui plane singularem vel peculiarem Camphoræ indolem distincte nequeunt concipere, & ex quibus denique constet, scire velint, in horum gratiam pro mea quidem qualicumque experientia, amice mentem meam ita declarabo; quod Camphora sit siccum quid, album, pellucidum & fragile, valde acute olens, non solum in igne, sed etiam in aere subcalido prorsus volatile corpus, quod ratione mixtionis, ex copia principii inflammabilis rarefacti, pauca aquositate, & summe attenuata vel subtilissima terra, intime inter se unitis constat.

I. Constat Camphora rarefacto Phlogisto, quia non solum cito & tenuiter, imo etiam in aqua & nive ardet, sed etiam cum aliis de eodem principio copiose  
parti-

cipantibus celerrime unitur, ex quibus spiritus vini commemoratione, nitri vero spiritus meditatione dignissimus est, siquidem de posteriore paucissima sunt cognita.

2. Aquosi aliquid continet Camphora, cum alias principium inflammabile, licet copiosius, flammam exhibere non possit.

3. Terram subtilem nemo negabit, quia extra hanc siccum corpus crystallinum non sisteret.

4. Aequè minus in dubium vocabitur, terram hanc subtilissimam, & cum coeteris intime, perque minimas, quas vel cogitando concipere possumus, partes unitam esse, si perpendimus, quod Camphora in solo aere, aliquantulum tamen subcalido in tota mixtura sua, plane nihil post se relinquendo, avolet.

Definitio hæc per ea ipsa, quæ hactenus de Camphora Thymi diximus, confirmatur, considerando, quod ea solummodo ex subtili oleo essentiali ortum duxerit, in quo oleo itidem non alia, quam superius dicta tria constituenta, phlogiston, aqua & terra demonstrari possunt, quamvis sub notabili hoc discrimine, quod

1. Camphoræ mixtura multo subtilior quam olei, quinimo (si ita loqui liceat) quinta essentia & extractum olei sit.

2. Camphora parum saltem aquei principii in sui mixturam recepit, oleum vero intuitu hujus longe plus.

3. Terra Camphoræ summe attenuata, & adeo subtilis est, ut sponte simul cum coeteris constitutivis avolet in auras, cum contra terra olei multo est crassior, id quod etiam, ut alia taceam, in rectificatione vel exhalatione olei videre est, ubi primo  
refinæ

resinæ vel bituminis instar, tandem etiam crassiori specie apparet.

Quod superest, dissimulare non possum, hæc aliaque experimenta de Camphora facta dubium me habere, an etiam ullo alio quam destillationis modo Camphora acquiratur. Præ cœteris, de veritate suspecta mihi videntur, quæ de collectione Camphoræ in Insula *Borneo* asseruntur; dicunt vero quod ibi locorum sponte Camphora instar gummi, vel resinæ, ex arbore exfudet, atque ita ab incolis colligatur, multo pretiosior quam Japonica, quæque præ raritate tam cara habeatur, ut incolæ illius insulæ nihil ejus concedant exteris. Sed quoquo modo res cum hac traditione sese habeat, justas tamen de ea dubitandi causas habeo, & in his potissimum Camphoræ volatilitatem, naturæ ejus penitus insitam; namque si ex arboribus exfudaret, non adeo diu sub sole fervidior, quo terræ illius climatis incalescunt, persisteret, sed fat cito in aere libere exhalando fugeret, idque tanto facilius, quia cum exfudaret, multo liquidior esse deberet, nec consistentiam Camphoræ duriorē habere posset, quæ vero liquiditas ad tanto celeriorē exhalationem disponderet, si quidem per se Camphora in molli vel liquida consistentia retineri plane non potest cum accepto calore, & ubi colliquescit, mox avolat, qua de causa etiam cum resina comparari nequit. Quod vero Camphora nativa, ad instar destillatæ, in oleo suo destillato quasi soluta ex arbore profluit, & dein ad arboris corticem CrySTALLORUM in modum concresecat, tanto minus persuadeor, cum pauca vel nulla potius exempla comperta sint, quod natura olea destillata essentialia, aliaque arte facta, instrumentis debitis quippe destituta, produxerit. Et parum abest, quin credam totam traditionem de tali

collectione Camphoræ non nisi ex auditu commemorari, & viros cæteroquin eruditos *Ten. Rheine*, *Breyonium*, *Hermannum* cæterosque, aliam ex alio transcripſiſſe, nullum vero, quantum credere par eſt, rem oculis in arbore ipſa conſpexiſſe, quæ quidem fallacia in *Hiſtoria naturali prima* non foret. Hinc denique concludo, eſſe omnino hanc ſpeciem Camphoræ tam raram, ut eam oculis cernere nemini liceat, nec forſan unquam contingere queat.

C. NEUMAN.

III. *Observations of the Dipping Needle, made at London, in the Beginning of the Year 1723. By Mr. George Graham, Watchmaker, F. R. S.*

ABOUT the Time I was obſerving the Variation of the Horizontal Needle, I made likewiſe ſome Experiments with the Dipping Needle, to try, if the Dip and Vibrations were conſtant and regular. The Needle I made for this Purpoſe was 12 Inches and one Tenth long, half an Inch broad in the Middle, but not above one Tenth near the Ends; the Ends themſelves being filed to fine Edges; and in Thickneſs it was about one Third of a Tenth. The Ends of the Axis, upon which the Needle turn'd, were very ſmooth, and not bigger than was neceſſary for the Support of the Needle, which weighed nine Pennyweights twenty one Grains, or about half an Ounce *Troy*. The Ends of the Axis were placed upon the Edges of two thin Plates of Steel, that were hard and well poliſh'd, and parallel to the Horizon, that the Needle, when vibrating, might roll, and not ſlide upon the Edges of the Plates, to avoid the Friction